

## **Akileraarusiinernik aalajangiisartut aalajangiinerat**

Suliap ujarlerfissaa:	2010-1504-01
Ulloq aalajangiiffik:	15. april 2010
Aalajangiineq tamanut saqqummiunneqarpoq:	xx. Oktober 2010
Ukioq akitsuusiineq:	2004
Sammissaq:	Akitsuusiineq
Sammissap suunera:	Eqqussineq, qamut motorilik, nalinga malillugu akitsuusiineq, tunisat allagartaata nalinga, akunnermuliuttoq

### **Eqikkaaneq**

Maalaarut qamutip motorillip nalinga malillugu akitsuusiinerup naatsorneqarnera pillugu maalaarutaavoq, nunatsinnut eqqunneqarsimasoq ukioq 2004. Akitsuusiinerni oqartussat qamutip motorillip pisiarinqarnerani aningaasartuutaasimasut akitsuusiinermi ilanngussimavaat, tassani isiginiameqarsimangilaat aningaasartuutaasimasut tunisisumiit imaluunniit akunnermiliuttumiit akilerneqarsimanersut. Akileraarusiinernik aalajangiisartut akitsuusiisimaneq aalajangersarpaat.

### **Pissutsit piviusut**

Maalaaruteqartoq september 2004-imi Canadamiit Kalaallit Nunaannut qamutimik motorilimmik 2001-imeersumik eqqussivoq. Eqqussinermi maalaaruteqartoq akitsuummik akiliuteqarpoq, akitsuullu naatsorsorneqarsimavoq maalaaruteqartup tunisinermi allagartaataa nr. XX97 "qamut motorilik ukioq 2001-iminngaannersoq" kr. 75.900. Tunisinermi allagartaq NN-imut allagartaqarpoq.

November 2008 akitsuusiinernik aqutsisoqarfik nalunaaruteqarpoq, akiligassanik allanik tigusaqarsimallutik tassa pisiat allagartaat nr. XX96 kr. 48.050 "logistics and shipping" aammalu pisiat allagartaat nr. XX22 kr. 5.200,- "tires w/studs", akiligassat tamarmik maalaaruteqartup akilersimavai qamutimik motorilimmik pisinermut atatillugu. Tassunga tunngatullugu akitsuusiinermut oqartussat pilersaarutigisimagaluarpaat akitsuut qaffanniarlugu, tassami pisiat allartaat nutaat marluk tiguneqartut tunisinermi allagartaq XX97 qaavatiqut pisinerummata.

Maalaaruteqartup akitsuusiinermilu oqartussat allaqatigiittarnerisa kingorna paasinarsitippaat pisiat allagartaat nr. XX22 kr. 5.200 nalilik assakaasunik ukiorsiutinik akileraaruteqatitaqanngitsunik pisinerusoq. Tamaalilluni pisiat allagartaat nr. XX22 akileraaruteqaataasussaa junnaarpoq.

Maalaaruteqartup ilisimatitsinera tunngavigalugu pisiat allagartaat nr. XX96 kr. 48.050 NN-imut akiliutaasimavoq qamutip motorillip naleqquttup nassaarinissaanut Nuummullu ingerlanneqarnissaanut. Maalaaruteqartup taanna akiliut akileraarutaasussaanaissaa akuerisinnaanngilaa. Maalaaruteqartup tunngavilersuutigaa pisiat allagartaat nr. XX97 kr. 75.900,- qamutip motorillip naligivikkaa, tassami NN akunnermuniliuttut maalaaruteqartoq sinnerlugu qamut motorilik taamatut akilerlugu pisiarisimamagu.

Akitsuusiinernik oqartussat aaliangiusimavaat pisiat allagartaat XX96 kr. 48.050 akitsuusiinermut ilanngunneqassaq, kisiannili qamutip motorillip Kalaallit Nunaannukaanneranut aningaasartuutaasimasut ilannganneqarsinaasut. Kisiannili maalaaruteqartup tamanna qanoq akeqarsimanersoq oqaatigerusussimangilaa, tamannalu tunngavigalugu missiliuilluni inissinneqarsimalluni kr. 15.000-inut. Akileraarusiinissarluk qaffanneqarpoq imatut naatsorsorlugu kr. 75.900-iniit kr. 108.950-inut, tassa pisiat allagartaat nr. XX97 kr. 75.900 aammalu pisiat allagartaat XX96 kr. 48.050 angallannerata akia kr. 15.000 ilanngaallugu.

### **Inatsisit piviusullu**

Nioqqutissanik eqqussuinermit akitsuutit pillugit Inatsiartut inatsisaat nr. Ø, 30. oktober 1992-imeersoq.

- § 1, imm. 1, nr. 21, litra a:
  - a) Inuit biilii: akitsuut aalajangersimasoq 50.000 koruuniusoq kiisalu fakturami akiata ilaata 50.000 koruuniniit annerusp, kisiannili 150.000 koruuniniit annerunngutsup 100 pct.-ia, akiatalu sinnerata 125 pct.ia akilerneqassapput.

Nioqqutissanik eqqussuineq annisuinerlu pillugit Nanninersornerulluik Oqartussat nalunaarutaat nr. 8, 21. marts 2000-imeersumut siunnsuutaat.

- § 1, imm. 2:
 

Oqimaassutsimik, angissutsimik aammalu nalinginik il.il aalajangiinermi maleruagassat danskit ilanngaaserisoqarfiannit maleruarneqartut taamatulli atuupput.
- § 20, imm. 1:
 

Nioqqutissamut akiligassap allagartaata annertussusia akiisuummik naatsorsuinermit tunngavigineqassappat, akiligassap akia naleqassutsimik, ilanngaattissat ilanngaatigereerlugit nioqqutissap akianik naleqassutsinik naatsorsuinermit tunngavigineqassaaq, piffissami nioqqutissap eqqunneqarfissaa sioqqullugu akilerneqarsimasoq, imaluunniit aki piffissami nioqqutissap eqqunneqarfiani akilerneqartussaagaluaq. Tamatuma nassataraa mioqqutissamut akikillisaatitut ilanngaatip suulluunniit, imaluunniit akimik appartitsissut alla, naliliinermi ilanngaatigineqarsinnaaneri, nioqqutissamut akikillisaatitut ilanngaat akimut akilerneqarsimasumut akiligassamulluunniit naapertuuttuuppat. Piumasaqaataavoq akikillisaatitut ilanngaat nioqqutissanut nalilerneqartussanut tunngassuteqartuussasoq. Nioqqutissamut akikillisaatitut ilanngaatit kingumoorumik atortuusut ilanngaatigineqarsinnaangillat.

Nioqqutissamut akiligassap allagartaa tassaavoq qamutip motorillip akitsuuserneqarnissaminut tunngavissaa. Nioqqutissamut akiligassap allagartaa imatut paasineqassaaq, tassa pisiap akia tamakkiisoq, qamutip motorillip tamakkiisumik akia, akilereersimasoq imaluunniit eqqunneqarnerani akiligassaq.

Eqqussinermi akitsuut naatsorsorneqarnerani soorlu akiligassap allagartaani ilanngunneqarsinnaapput:

- Qamutip motorillip pissarsiarinerani aningaasartuutit (tuniniarnerani aki)
- Qamutip motorillip pisiarinerani immikkut atortussaanik pisinermi aningaasartuutit
- Qamutip motorillip pisiarinerani pitsannguutissanik iluarsaannerani aningaasartuutit
- Tuniniaasup iluanaarutai
- Qamutip motorillip umiarsuailivimmut aallarfissaani ingerlanneranut sillimmaserneranullu aningaasartuutit. Umiarsualivik aallarfissaq tassaavoq Kalaallit Nunaannut aallarfissaq.
- Aallarfissami umiarsualivimmi aningaasartuutit immikkut ittut, soorlu quersuarmi uninngatitsinermi aningaasartuutit il.il.

Nunat assigiinngitsut akornanni ileqquvoq akitsuusiinerup iluani tunisisup tuniniaasuanut imaluunniit akunnermuliutumut aningaasartuutit akitsuusiinermut ilanngunneqartarnerat. Tamanna atuuttuvoq aningaasartuutit tuniniaasorisap akissarsiai, kommissioni, aningaasartuutit imaluunniit niuveqatigiinnermi akunniliuttup akissarsiai, tassani apeqqutaatinneqanngilaq aningaasartuutaasut procentinngorlugit imaluunniit aningaasannorlugit tunniunneqarnersut. Aamma tassani atuuppoq tassunga aningaasartuutaasut akiligassap allagartaani ilaatitaanersut imaluunniit immikkut allagartalerneqarsimanersut. Tassani aamma atuuppoq akiligassap allagartaa tunisisumiit imaluunniit akunnermuliuttumiit suliarineqarsimanersoq. Immikkut pisoqartillugu pisiniarnermi akunnermuliuttup akissarsiai akitsuusiinermi ilanngunneqarneq ajorput. Pisiniartup akunnermuliuttuata akissarsiai killeqartumik ilannganneqarsinaapput, kisiannili aatsaat taanna pisinaavoq akunnermuliuttoq naliginnaasumik nunani allani pisiniarnermi suleqataasarpat. Naliginnaasumik tamanna pisarpoq atsioqatinniinermik, tassani erseqqissarneqartarpoq importørip aammalu tuniniaasup suut pisussaaffigineraat, tamatigullu tuniniaasup suliaasarsarpai toqqaanissaq, pitsaasutsimik naliliinissat, nioqqutissanik malinnaaneq aammalu pisiassap tiguneqarnissaata qulakkeernissaa.

### **Akilaraarusiinernik aalajangiisartut naliliinerat tunngavilersuutaalu**

Akilaraarusiinernik aalajangiisartut paasinninnerat imaappoq, tassa akiligassap allagartaa arlalinngorlugu aggomeqaraluarpalluunniit, qanoq pisiap akilarauserneqarnissaanut apeqqutaanngitsoq. Aallaaviussaarlu akiligassat allagartaat pisiamut tunngasuutillit tunisisumiit akunnermuliutumilluunniit suliarineqarsimasut akilaraarusiinermut ilanngunneqassapput.

Ima isumaqartoqaraluarpalluunniit NN tuniniaasup maalaaruteqartullu akunnermuliuttuusoq, tassunga akiliutaasimasut akiligassap allagartaami ilanngunneqassasut. Akilaraarusiinernik aalajangiisartut isiginngilaat suliami arlaannik pisoqarsimasoq, NN naliginnaasumik nunani allani pisiniarnermi suleqataasarnera, tassami uvani suliami immikkut isumaqatigiissusiottoqarsimanngilaq maalaartup NN-illu akornanni.

### **Akilaraarusiinernik aalajangiisartut aalajangiinerat**

Akilaraarusiinernik aalajangiisartut aalajangerpaat akitsuusiinermik oqartussat akitsuusiineranit, taamaalilluni qamutimik motorilimmik pisinermi aningaasartuutaasimasut tamarmiusut akitsuusiinermut ilanngunneqarlutik.